


Early European Books, Copyright © 2011 ProQuest LLC. Images reproduced by courtesy of Koninklijke Bibliotheek, Den Haag. Pflt 723



Early European Books, Copyright © 2011 ProQuest LLC. Images reproduced by courtesy of Koninklijke Bibliotheek, Den Haag. Pflt 723

fotio - 350 -

DES CAVSES

OVIONT MEVMONSEIGNEVELE CARDINAL
DE BOVEBON, & les Pairs, Princes, Seigneurs, Villes & les Communautez Catholiques de ce Royaume

de France: De s'opposer à ceux qui

par tous moyens s'efforcent de subuer-

tir la Religion Catholique & l'Estat.



A LEYDE, Chez Thomas Basson...

723

DECLARATION

DES CAVSES QVI ONT

meu Monseigneur le Cardinal de Bourbon, El les Pairs, Princes, Prelats, Seigneurs, Villes El Communautez Catholiques de ce Royaume de France: de s'opposer à ceux, qui par tous moyens s'efforcent subuertir la Religion & l'Estat.

Roy des Roys, soit manisesté à rous hommes, q'ayant la France de depuis xxiii). ans, esté tourmentée d'vne pestilente sedition meüe pour subvertir l'ancienne Religion de nos Peres, qui est le plus sort lien de l'Estat: Il ya esté appliqué des remedes, lesquels (contre l'esperance de leurs Maiestez) se sont renduz plus propres à nourrir le mal que à l'estaindre: qui n'ont eu de la paix que le nom, & n'ont estably le repos q pour ceux qui l'auroyent troublé, laissant les gens de bien scandalisez en leur ame & interessez en leur biens.

E r au lieu de remede, q auec le temps l'on pouuoit

pouuoit esperer de ces maux: Dieu a permis que les derniers Rois soiet mortsieunes, sans laisser iusques icy aucuns enfans habiles à succeder à ceste Couronne, & ne suy en a pleu encor (au regret de tous les gés de bien) donner au Roy, qui maintenant regne, bien que ses bons subjects n'aient obmis, comme ils mettront à l'aduenir, lours plus affectionnées prieres pour en impetrer de la bonté de nostre Dieu: en sorte qu'estant demeure seul de tant d'enfans q Dieu auoit donné au feu bon Roy Henry. Il est trop à craindre, ce q Dieu ne vueille que ceste maison s'en aille à nostre grand mal'heur estainte sans aucune esperance d'auoir lignee: Et qu'en l'establissemet d'vn successeur en l'estat Royal, il n'adulenne de grans troubles par toute la Chrestiente, & peut estre la totale subuertion de la religion Catholique Apostolique & Romaine en ce Royaume tres-chrestien, auquel l'on ne souffritoit iamais regner vn heretique, attendu que les subjectz ne sont tenuz de reconnoistre, n'y souffrir la domination d'vn Prince deuoyé de la foy Chrestienne & Catholique, estant le premier serment que nos Rois font, lors qu'on leur met la Couronne sur la teste, que de maintenir la Religion Catholique, Apostolique & Romaine, soubs lequel serment ilz recoyuent celuy de sidelité de leurs subjects & non autrement.

Toytes fois depuis la mort de Monfeigneur frere du Roy, les pretétions de ceux qui par profession publique se sont tousiours monstrez persecuteurs de l'Eglise Catholique ont esté tellement sauorisez & appuyez, qu'il est grandement necessaire d'y donner prompte & sage proussion, à sin d'eutrer les inconnenies tres-apparens, dont la calamité est dessa cogneue à tous, les remedes à peu, & la façon de les appliques presque à personne.

Et d'autant plus que l'on peut assezuger par les grands preparatifs & pratique qui se font par tout, leuees de gens de guerre, tant dehors que dedans le Royaume, & retention de villes & places fortes qu'il deuroient dessa auoir remises de log teps entre les mains du Roy, que nous sommes fort proches de l'effect de leurs mauuaises intétions estans bien certains qu'ils ont depuis peu de temps enuoyé pratiquer les Princes protestans d'Alemaigne, pour auoir dessorces, à sin d'opprimer les gens de bien plus à leur aise, comme aussi leur dessein n'est autre q de se saisir & asseurer des moyés necessaires pour reuerser la Re-

la Religió Catholique qui est l'interest commun de tous, & principalement des grands, qui ont c'est honeur de tenir des premiers & principales charges & dignitez de ce Royaume, lesquelz on s'estorce de ruiner du viuant du Roy mesmes ou soubz son authorité: à sin que n'ayant plus personne qui à l'aduenir se puisse opposer à leurs volontez, il soit plus aissé de faire le changement qu'on prepare de la Religion Catholique, pour s'enrichir du patrimoine de l'Eglise, suyuant l'exemple de ce qui a esté fait en Angleterre.

os e r s

M Es M E q chacun cognoilt assez & voit à l'œil les déportemens & actions d'aucuns, qu'is estants glissez en l'amitiè du Roy nostre Prince souverain, la Majesté duquel nous a tousiours este & sera saincte & sacrée, se sont comme saissiz de son authorité pour se maintenir en la grandeur qu'ils ont vsurpée, fauorisent & procurent par tous moyens l'essect des susdicts changemens & pretentions, & ont eu la hardiesse & le pouvoir d'essoigner de la privée conversation de sa Majesté, non seulement les Princes & la Noblesse, mais tout ce qu'il a de plus proche, ny donnant accèz qu'à ce qui est d'eux.

A o v o v ils ont desia tant aduancé qu'il A 3 n'ya

n'y a plus personne qui ayt part en la conduite & administration de l'estat ny qui exerce entierement sa charge, ayant les vns esté despouillez du tiltre de seur dignité, & les autres du pouvoir de fonction, encores que le nom vain & imaginaire seur soit demeuré.

A v ss i a esté fait le semblable à l'endroit de plusieurs Gouverneurs de Provinces, Cappitaines de places fortes & autres Officiers: les quels l'on à forcé de quitter & rémettre leurs charges moyennant quelques recompenses de deniers qu'ilz ont receuz contre leur, gré & volonté, pour ce qu'il n'ausoient resuler ceux qui auoient pouvoir de les y contraindre. Exemplé nouveau, & n'ont iamais praticqué en ce Royaume d'osser par argent, les charges à ceux ausquels elles auoient esté données pour recompence de leurs vertuz & sidelité: & par ce moyen se sont rendus maissires des armes par mer & par terré.

Er essaye-l'on tous les iours de faire le semblable aux autres qui en sont pourueuz, si bié qu'il n'y a plus personne qui se puisse asseurer, & qui ne soiten crainte qu'on ne luy rauisse de ote des mains sa charge, combien que luy ayant esté donné pour son merité, il n'en puisse & n'é doibue estre despouisse par les Loix

les Loix du Royaume, sinon pour quelque iuste & raisonnable consideration, ou qu'il fallist en chose qui en depend & qu'il soit

cogneu en Iustice de sa faute.

I Ls ontainsi tiré à eux tout l'or & l'argent des coffres du Roy, ausquelz ils font mettre les plus clers deniers des receptes generales pour leur profit particulier, tenant à leur deuotion tous les grans partis & ceux qui les manient, qui sont les vrays chemins pour disposer de ceste Couronne, & la mettre sur la teste de qui bon leur semblera.

Ет par leur auarice est aduenu qu'abusant de la facilité des subierz, l'on s'est peu à peu desborde à plus grieues suscharges non seulement esgalles à celles que la calamité de sa guerre auoit introduictes, desquelles rien n'a esté remis en la paix, mais à infinies autres oppressions naissantes de jour en jour à l'ape-

tit de leurs volontez dereglées.

I L auoit paru quelque rayon d'esperance quand sur les frequentes plaintes & clameurs de tout ce Royaume on publiala conuocation des Estats generaux à Bloys, qui est l'antien remede des playes domestiques & comme vne conferéce entre le Prince & les subiects, pour reuenir ensemble à conte de la

deuë obeissance d'vne part & de la deuë coservation d'autre, toutes deux iurées, toutes deux nées auec le nom Royal & regles fondamentales de l'estat de France, mais de ceste chere & penible entreprinse, ne resta sinon l'auctorisemet du mauuais conseil d'aucuns, qui se faignans bons politiques estoient en effect tres-mal affectionnez au seruice de Dieu & bie de l'estat: lesquelz ne s'estas contentez de ietter le Roy de son naturel tresinclin à pieté hors de la saince & tres-vtile deliberation, qu'à la tres-humble requeste de tous ces Estatz, il auoit fait de reunir tous ses subjectz à vne seule Religion Catholique, Apostolique & Romaine, à fin de les faire viure à l'antiene pieté auec laquelle ce Royaume auoit esté estably, s'estoit conserué, & depuis acreu iusques à estre le plus puissant de la Chrestienté, qui se pouvoit alors executer sans peril & presque sans resistance, luy auroient au contraire persuadé estre necessaire pour son service, d'affoiblir & diminuer l'authorité des Princes & Scigneurs Catholiques, qui auec grande zele auoient grandement hazardé leurs vies combatant soubz ses enseignes, pour la dessense de ladite Religion Catholique. Comme si la reputation qu'ilz

A v s s 1 l'abus qui auroit prins son progrez pied à pied, est depuistombé comme vn torrent en precipice d'vne si violente cheute, & le pauure Royaume se trouue sur le poinct d'en estre bié tost accablé sans gueres d'esperance de salut, car l'ordre Ecclesiastique, quelques belles assemblees & iustes remonstrances q ils ayent sceu faire, est auiourd'huy oprimé de decimes, & subuentions extraordinaires, outre le mespris des choses sacrees de la saincle Eglise de Dieu, en laquelle desormais tout est volu & polu, la Noblesse anullie asseruie & vilence, & tous les iours foulee miserablement de daces & indeues exactions quelle paye malgré elle, si elle veut substanter la vie cest a dire boire & manger & se vestir, les villes, les Officiers Royaux & menu peuple serrez de si prez par la frequétation des nouvelles impositiós que l'on appelle inuentions, qu'il ne reste plus rien à inuenter sinon le seul moyen d'y donner vn bon remede.

Pove ces iustes causes & considerations. Nous Charles de Bourbo premier Prince du sang, Cardinal de l'Eglise Catholique Apo-B stolique

stolique & Romaine, come à celui qui touche de plus pres de prendre en sauue garde & protection de la Religió Catholique en ce Royaume, & la conseruation des bons & loyaux seruiteurs de sa Majesté & de l'Estat, assisté de plusieurs Princes du sang, Cardinaux & autres Princes, Pairs, Prelatz, Officiers de la Couronne, Gouuerneurs de Prouinces, principaux Seigneurs, gentils-Hommes, de beaucoup de bonnes villes & communautez, & d'vn bon nombre de bons & fidelles subiects, faisans la meilleure & plus saine partie de ce Royaume, apres auoir sagement posé le motif de ceste entreprise, & en auoir pris l'aduis, tant de noz bos amys tres-affectionnez qu bien & repos de ce Royaume, que des gens de sçauoir, & craignans Dieu q nous ne voudrions offencer en cecy pour rien du monde. Declarons auoir tous suré & sainclemet promis de tenir la main forte, & armes, à ce que la saincte Eglise de Dieu soit reintegree en sa dignité & en la vraye & scule Catholique Religion, que la Noblesse iouisse comme elle doit de sa franchise toute entiere, & le peuple soit soulagé, les nouvelles impositions abollies, & toutes creues oftées, depuis le regne du Roy Chaerles neuficsime, que Dieu absol-

ue, que

ue, q les Parlemens soient remisen la plenitude de leurs cognoissances & en leur entiere souveraineté de leurs Iugemés chacun en son ressort, & tous subiects du Royaume maintenus en leurs gouvernemens, charges & Ossices sans qu'on leur puisse oster sinon en trois cas des antiens establissemens & par Iugement des Iuges ordinaires, resortissant es Par lements.

Q v E tous deniers qui se relcueront sur le peuple seront employez à la desense du Royaume & à l'essect ausquels ils sont destinez. Et que desormais les Estats generaux libres & sans aucune pratique soyét tenus de trois ans en trois ans pour le plus tard, auecque entiere liberté à vn chacun d'y faire ses plainctes ausquels n'aura esté deuëment pourueu.

C E s choses & autres qui seront plus particulierement & amplement deduictes, sont le subiect & l'argumet de l'assemblée en armes, qui se sont pour la restauration de la France, manutention des bons & punitions des mauuais: & pour la seureté de nos personnes qu'on a taché souuent, & mesmes encores depuis peu de iours par secretes conspirations accabler & du tout ruïner, comme si la seureté de l'estat dependoit de la ruïne des bons & de

B 2 ceux

ceux qui ont si souvent hazardésleur vie pour le conseruer, ne nous restant plus pour nous garantir du mal, & pour detourner le cousteau, qui est desia sur nos testes, sinon de courir aux remedes qu'auons tousiours euzen horreur, qui sont excusables, & doyuent estre trouuez iustes quant ils sont necessaires & au-Storisez, & desquels ne nous voudrions encore à present aider pour le seul peril de nos biens, si la ruine de la Religion Catholique en ce Royaume, & de l'estat d'icelle, n'y estoit inseparablement conioincte: pour la conseruation desquels nous ne craindros iamais aucun danger, estimans ne pouuoir choisir vn plus honorable tombeau, q de mourir pour vite si saincte & iuste querelle. Et pour nous acquitter du devoir & obligation q auons comme bons chrestiens au seruice de Dieu, & empescher (aussi comme bons & sideles subjectz) la dissipation de l'estat que suit volontiers ledict changement.

PROTESTANT que n'est contre le Roy nostre souverain Seigneur que prenons les armes, ains pour la tuition & desence de sa personne, de sa vie & de son estat, pour lequel nous iurons & promettons tous exposer noz biens & noz vies, iusques à la derniere goutte

de no-

de nostre sang, auec pareille sidelité qu'auons fait par le passé: & de poser les armes aussi tost qu'il aura pleu à sa Majeste faire cesser le peril qui menasse la ruine du seruice de Dieu & de tant de gens de bien: Ce que nous supplions tres-hublemet faire au plustost, tesmoignans à chacun par bon & vray effect, qu'il est vrayement Roy tres-chrestien: Ayant la crainte de Dieu & le zelle de la Religion empraints en son ame, ainsi que nous l'auons toussours cogneu, & comme bon pere & Roy tres-affectionné à la conservation de ses subjects. En quoy faisant sa Majesté sera d'autant plus obeye, recognue & honorée de nous & de tous les autres subiectz, auecques beaucoup de bien veillance: ce q nous desirons sur toutes les choses du monde.

Et combien que le Roy fust requis de pouvoir en de raison que le Roy fust requis de pouvoir en ce que durant & apres sa vie le peuple commis en sa charge ne soit divisé en factions & partialitez pour les differens de sa succession, si & ce que nous sommes si peu esmeus de telle consideration que la calomnie de ceux qui nous le reprochent, ne se trouvera soustenue d'aucun fondement, car outre ce que les loix du Royaume son assez cleres & cogneues,

B 3

cncor

encor par dessus le hazard auquel nous, Cardinal de Bourbon nous iettans sur nos vieux iours, & dernier aage sont assez de preuue que nous ne sommes enslez de telles vanitez & esperance. Ains seulement poussé de vray zelle de la Religion qui nous sait pretendre part à vn Royaume plus asseuré & duquel la iouissance est plus desirable & de plus lon-

gue durée.

Nostre intention estant telle, supplions tous ensemble tres humblemet la Royne mere du Roy, nostre tres honorée dame, (sans la sagesse & prudence de laquelle le Royaume seroit dés pieça dissipé & perdu, pour le fidele tesmoignage qu'elle peut, veut & doibt rendre de nozgrands seruices: Mesmes en particulier de nous Cardinal de Bourbon, qui l'auons toussours honorée, seruie & assistée en ses plus grandes affaires, sans y espargner noz biens, vies, amis & parens, pour auec elle fortifier le party du Roy & de la Religion Catholique) de ne nous vouloir à ce coup abadoner mais y employer tout le credit que ses peines & labourieux trauaux luv duroient iustement atribuer, & g ses ennemis luy pourroyét auoir infidelement rauy d'aupres du Roy son filz.

Suplions aussi tous les Princes, Pairs, de Frace, Officiers de la Couronne, personnes Ecclesiastiques, Seigneurs, Gentilz-homes & autres de quelque qualité qu'ils soyent,

quine

& af-

qui ne sont encores ioincts auec nous, de nous vouloir assister & aider de leurs moyés à l'execution d'vn si bon & sainct œuure. Et exhortons toutes les villes & communautez, dautant qu'elles aymét leur conseruation de iuger sommairement nos intentions, & recognoistre le soulagement & repos qui leur en peut reuenir en leurs affaires, tat publiques que domestiques, & mettre en ce faisant la main à ceste bonne entreprise qui ne sçauroit que prosperer auec la grace de Dieu, à qui nous referons toutes choses, ou du moins si leurs aduis & resollution ne se pouuoyent si tost rapporter a vn, comme leur conseils, seront composez de plusieurs, nous les admonestons d'auoir l'œil à leur choses propres, & cependant ne se laisser enuahir à personne & posseder par ceux qui par quelque sinistre interpretation de nozvolotez se voudroyet emparer de leursdictes villes & en y mettant garnison de gens de guerre les reduire aux mesmes seruitudes que sont les autres villes par eux occupées.

Declarons à tous q n'entendos vser d'aucun acte d'hostilité, que cotre ceux qui auec les armes se voudront opposer à nous, ou par autres moyés indeuz fauoriser nos aduersaires qui cerchét à ruiner l'Eglise & dissiper l'estat, 16

à persone soit pour leur passage ou demeure en quelque lieu que ce soit, ains viurot auec bon reiglemét & ne prendrot rie sans payer. Receurons auec nous tous les bons qui aurotzele à l'hôneur de Dieu & sa saincte Eglise, & au bien & reputation de la treschrestienne religion Françoise soubs protestation neantmoins de ne poser iamais les armes iusques à l'entiere execution des choses sufdictes & plustost y mourir tous de bon cœur, auec desir d'estre amôcelez en vne sepulture consacrée aux derniers François morts en armes pour le service de Dieu & de leur patrie

& asseurons vn chacun que nos armées saincles & iustes, ne feront foulle ny oppression

En fin d'autant qu'il faut que toute nostre ayde vienne de Dieu, nous prions tous vrays Catholiques de se mettre tous auec nous en bon estat se reconcilier auecques sa diuine Majesté par vne entiere reformatió de leurs vies, asin d'appaiser son ire & l'inuoquer en pureté de conscience, tant par prieres publiques de processions sainctes q par deuotions priuées & particulieres, asin que toutes nos actions soyent referées à l'honneur & gloire de celuy qui est le Dieu des armées, & de qui nous attédons toute nostre sorce & plu certain appuy. Donné à Peronne le dernie iour de Mars, M. D. LXXXV.

Signé Charles Cardinal de Bourbon.

inion ure uec yer. augliiretion mes fufeur, ure 1artrie. stre rays s en iine eurs ren bliions 1105 oire z de plu nie bon.